

REGLUGERÐ

um flutning á hættulegum farmi.

1. gr.

Gildissvið.

Reglugerð þessi gildir um flutning á hættulegum farmi á vegum og utan vega hér á landi.

Reglugerðin gildir ekki um flutning innan afmarkaðs athafnasvæðis fyrirtækis eða stofnunar eða byggingarsvæðis þar sem almenningur hefur takmarkaðan aðgang.

2. gr.

Almenn ákvæði.

Við flutning á hættulegum farmi skal fara eftir ADR-reglum, með viðaukum A og B, eins og þær eru í gildi hverju sinni hér á landi, sbr. ákvæði í EB tilskipun nr. 94/55 um að ADR-reglurnar skuli gilda innan þjóðríkja Evrópska efnahagssvæðisins, sem breytt er með EB tilskipun nr. 96/86.

Við eftirlit með flutningum á hættulegum farmi skal fara eftir EB tilskipun nr. 95/50 og viðaukum við þá tilskipun.

3. gr.

Skilgreiningar.

Með *flutningi* er átt við hvers konar tilfærslu á hættulegum farmi með flutnings-einingum ásamt lestun, losun, geymslu og annarri meðhöndlun á honum sem er hluti af tilfærslu hans.

Með *hættulegum farmi* er átt við eftirfarandi flokka hættulegra efna eða vara, í samræmi við tilmæli Sameinuðu þjóðanna nr. ST/SG/AC.10/1, sem bannað er eða aðeins leyft að flytja að uppfylltum skilyrðum á viðaukum A og B í ADR-reglunum:

- 1 Sprengifim efni
- 2 Lofttegundir
- 3 Eldfima vökva
- 4.1 Eldfim föst efni
- 4.2 Efni með hættu á sjálfstendrun
- 4.3 Efni sem mynda eldfimar lofttegundir við snertingu við vatn
- 5.1 Eldnærandi efni
- 5.2 Lífræn peroxíð
- 6.1 Eitruð efni
- 6.2 Smitefni
- 7 Geislavirk efni
- 8 Ætandi efni
- 9 Önnur hættuleg efni

Með „*ADR-reglum*“ er átt við evrópska samkomulagið um flutning á hættulegum farmi milli landa sem undirritað var í Genf 1957, sem með tilskipun nr. 94/55/EB gildir sem reglur um flutning á hættulegum farmi á öllu Evrópska efnahagssvæðinu jafnt innanlands sem milli landa, ásamt viðaukum A og B við samkomulagið eins og þeir hafa verið samþykktir hverju sinni af sameiginlegu EES-nefndinni.

Með *lögbærum aðilum* er átt við þau stjórnvöld eða aðra sem með reglugerðinni er falið að hafa eftirlit með framkvæmd hennar eða ráðuneytið felur að hafa eftirlit með framkvæmd einstakra greina. Með lögbærum aðilum er átt við, ef svo ber undir, erlenda

lögþæra aðila varðandi tilteknar viðurkenningar samkvæmt tilskipun nr. 94/55/EB sem þá skulu einnig gilda hér á landi.

Með *flutningseiningu* er átt við ökutæki eins og það er skilgreint í reglugerð um gerð og búnað ökutækja. Um aðrar skilgreiningar varðandi t.d. tanka, gámatanka og gáma vísast í ADR-reglurnar.

4. gr.

Flokkun efna og vara.

Áður en efni eða vörur eru afhentar til flutnings skulu þær flokkaðar í samræmi við 2. mgr. 3. gr. reglugerðarinnar.

Sendandi vöru ber ábyrgð á að efni og vörur séu rétt flokkaðar þegar þær eru afhentar til flutnings.

5. gr.

Umbúðir og merkingar þeirra.

Umbúðir um hættulegan farm skulu uppfylla kröfur ADR-reglnanna, m.a. í samræmi við viðbætur A.5 og A.6 í ADR-reglunum eftir því sem við á.

Umbúðir skulu merktar með Sameinuðu þjóða númeri vörunnar og með einum eða fleiri varúðarmerkjum sem sýnd eru í viðauka I og í samræmi við ADR-reglurnar.

Sendandi efna eða vara ber ábyrgð á að umbúðir séu í samræmi við ákvæði ADR-reglnanna og að þær séu rétt merktar.

6. gr.

Flutningsskjöl.

Með flutningi á hættulegum farmi skulu fylgja eftirfarandi gögn:

- a. Farmbréf með eftirfarandi upplýsingum um vöruna, sbr. viðauka A í ADR-reglunum: Sameinuðu þjóða númer og heiti samkvæmt ADR-reglunum, flokkur, efnisnúmer, bókstafir, bókstafirnir „ADR“, fjöldi eininga, gerð umbúða og þyngd eða rúmmál vörunnar. Fyrir sprengifim efni skal einnig rita söluheiti þegar það á við; einnig skal gefa upp nettóþyngd efnisins.
- b. Vottorð sendanda í samræmi við viðauka A í ADR-reglunum, þar sem hann vottar m.a. að flytja megi vöruna samkvæmt ADR-reglunum, að umbúðir séu viðurkenndar og rétt merktar og varan í þannig ástandi og hafi verið þannig meðhöndluð að hún sé tilbúin til flutnings.
- c. Flutningsslysablað með upplýsingum um varúðarráðstafanir og fyrstu viðbrögð við óhapp, sbr. ADR-reglurnar.
- d. Vottorð (ADR-skírteini), í samræmi við reglugerð um starfsþjálfun stjórnenda ökutækja sem flytja tiltekinn hættulegan farm, sbr. einnig ADR-reglurnar.
- e. Vottorð um viðurkenningu þegar það á við samkvæmt ADR-reglunum.

Sendandi efna eða vara skal láta flytjanda í té farmbréf, flutningsslysablað og vottorð sendanda þegar hann afhendir efni eða vöru til flutnings. Flutningaaðila er óheimilt að taka til flutnings efni eða vöru nema fullnægandi gögn fylgi með henni.

7. gr.

Merking ökutækja.

Við flutning á hættulegum farmi skulu ökutæki merkt með tveimur ferhyrnum appelsínugulum hættuskiltum búnum endurskini í samræmi við viðauka II og ADR-reglurnar. Skiltin skulu vera 400 mm að lengd og 300 mm að hæð með 150 mm breiðri svartri umgjörð. Þeim skal komið fyrir þannig að þau sjáist vel að framan og aftan á

flutningseiningunni. Ef stærð eða lögun flutnings-einingarinnar er þannig að erfitt er að koma fyrir skiltum af þessari stærð er heimilt að hafa þau 300 mm að lengd, 120 mm að hæð og breidd umgerðar 10 mm. Þegar það á við samkvæmt ADR-reglunum skulu skiltin vera með Sameinuðu þjóða númer og viðeigandi hættunúmer úr viðauka III. Við flutning í tönkum, gámatönkum, gámum og við flutning á lausri ósekkjaðri vöru skal merkja flutningseininguna í samræmi við ADR-reglurnar með einu eða fleiri varúðarmerkjum úr viðauka I og í samræmi við töflu I eða II í viðbæti B.5 í ADR reglunum.

8. gr.

Fylgibúnaður.

Við flutning á hættulegum farmi skal eftirfarandi fylgibúnaður vera með:

Slökkvibúnaður:

Eitt a.m.k. 2 kg dufttæki eða sambærilegt fyrir bifreiðina og eitt a.m.k. 6 kg dufttæki eða sambærilegt fyrir farminn.

Annar búnaður:

- Verkfærasett fyrir „neyðarviðgerðir“.
- A.m.k. einn stoppklossi fyrir bifreið og einn fyrir eftirvagn (sé slíkur með í för) af hæfilegri stærð miðað við þunga bifreiðar/eftirvagns og stærð (þvermál) hjólbarða.
- Tvö ljósker sem eru óháð rafkerfi bifreiðarinnar og lýsa stöðugt eða blikkandi appelsínugulu ljósi. Ljóskerin skulu þannig gerð að þau geti ekki tendrað eld í farminum við notkun. Ef nema þarf staðar í slæmu skyggni og ljós ökutækisins virka ekki skal staðsetja ljóskerin 10 m fyrir framan og aftan flutningseininguna.
- Nauðsynlegur búnaður fyrir fyrstu öryggisráðstafanir sem kveðið er á um í flutningsslysablaði (skriflegum leiðbeiningum) og þá sérstaklega:
 - (i) til varnar öikumanni:
 - endurskinsvesti,
 - heppileg augnvörn,
 - heppileg öndunargríma gegn eitruðum efnum þegar þau eru flutt,
 - heppilegir hlífðarhanskar,
 - heppilegur hlífðarfótabúnaður,
 - einfaldur líkamshlífðarbúnaður (t.d. úr plasti),
 - vasaljós,
 - augnskolflaska,
 - (ii) til að vara almenning við:
 - fjórir endurskinsþríhyrningar,
 - (iii) til varnar umhverfisspjöllum:
 - heppilegur þéttibúnaður fyrir niðurföll,
 - heppileg skófla,
 - sópur,
 - heppilegt uppsogsefni,
 - heppilegt ílát til að safna í litlu magni spilliefnis.

9. gr.

Réttindi öikumanna.

Við flutning á hættulegum farmi skulu öikumenn hafa réttindi (ADR-skírteini) í samræmi við reglugerð um starfsþjálfun stjórnenda ökutækja sem flytja tiltekinn hættulegan farm, sbr. einnig ADR-reglurnar.

Við flutning á sprengifimum vörum skal vera aðstoðarmaður sem hefur sömu réttindi til slíks flutnings og ökumaðurinn og getur leyst hann af við flutninginn ef nauðsyn krefur, sbr. ADR-reglurnar.

10. gr.

Samlestun.

Óheimilt er að flytja saman sprengifim efni og annan hættulegan farm í eða á sama ökutæki. Heimilt er að flytja saman sprengifim efni í mismunandi aðskilnaðarflokkum í samræmi við töflu í viðauka IV. Ekki er heimilt að flytja fódurvöru eða matvæli með hættulegum farmi sem merktur er með varúðarmerkjum 6.1 eða 6.2, sbr. viðauka I.

11. gr.

Viðurkenning flutningseininga.

Þegar það á við skulu flutningseingar vera viðurkenndar af lögbærum yfirvöldum í samræmi við ADR-reglurnar.

12. gr.

Eftirlit, prófanir, viðurkenningar.

Eftirlit, prófanir eða viðurkenningar sem krafist er í ADR-reglunum skulu gerðar af lögbærum aðilum.

Vinnueftirlit ríkisins hefur yfirumsjón með framkvæmd reglugerðarinnar hvað varðar flokkun efna, viðurkenningu umbúða, prófanir og viðurkenningar sem krafist er í ADR-reglunum.

Lögreglan hefur eftirlit með að farið sé eftir reglugerð þessari við sjálfan flutninginn á hættulegum farmi eins og hann er skilgreindur í reglugerðinni.

Geislavarnir ríkisins hafa yfirumsjón með framkvæmd reglugerðarinnar hvað varðar flokkun efna, viðurkenningu umbúða, prófanir og viðurkenningar sem krafist er í ADR-reglunum varðandi geislavirk efni.

Hlutaðeigandi heilbrigðisnefnd veitir starfsleyfi til flutnings á spilliefnum í samræmi við mengunarvarnareglugerð.

Dómsmálaráðuneytið getur falið öðrum og viðurkennt aðra til að fara með afmarkað eftirlit eða viðurkenningar.

13. gr.

Flutningur á sprengifimum efnum.

Ökutæki sem flytja sprengifim efni skulu flokkuð og viðurkennd í einhvern af þremur flokkum í samræmi við ADR-reglurnar og í samræmi við reglugerð um sprengiefni. Ekki má flytja meira magn af sprengifimum efnum í einni flutningseiningu en fram kemur í töflu í viðauka V.

14. gr.

Sérstök ákvæði.

Lögbær yfirvöld geta sett sérstakar reglur um flutning á hættulegum farmi um jarðgöng eða yfir brýr ef nauðsyn krefur. Lögreglan getur sett sérreglur um flutningsleiðir og fylgd ökutækja.

Óheimilt er að flytja milli staða meira en 50 kg sprengiefnis með sama ökutæki nema til komi leyfi lögreglustjóra á áfangastað samkvæmt reglugerð um sprengiefni. Við flutning á sprengiefni skal lögreglustjórum umdæma sem flutningurinn fer um tilkynnt um flutninginn.

Til að ferma eða afferma (umferma) ökutæki með hættulegan farm á almennu svæði í þéttbýli, þarf sérstakt leyfi lögreglu. Ef til slíks kemur utan þéttbýlis skal láta lögregluna vita áður en ferming eða afferming (umferming) hefst. Þetta á við um efni samkvæmt viðauka B í ADR-reglunum og töflu í viðauka VI.

Vakta skal ökutæki sem flytur hættulegan farm í samræmi við viðauka B í ADR-reglunum og viðauka VII.

Ökumaður skal forðast að stöðva ökutæki með hættulegan farm nálægt íbúðarhúsnæði eða svæði sem almenningur á erindi um. Stöðvun ökutækis á slíkum stöðum má ekki vara lengur en lögreglan hefur gefið samþykki sitt fyrir. Þetta gildir um flutninga á hættulegum efnum í samræmi við viðauka B í ADR-reglunum og viðauka VIII.

Óheimilt er að flytja farþega með ökutæki sem flytur hættulegan farm við aðrar aðstæður en undanþága er veitt fyrir, sbr. viðauka B í ADR-reglunum og viðauka IX.

15. gr.

Undanþágur.

Við flutning á stykkjavöru í minna magni en fram kemur í töflu 1 í viðauka IX er einungis krafist eftirfarandi gagna og búnaðar:

- Farmbréfs (þar skal einnig koma fram að farmurinn sé fluttur samkvæmt undanþágum í ADR-reglunum).
- Viðurkenndra umbúða.
- Merktra umbúða.
- Eins slökkvitækis (2 kg dufttæki).
- Vottorðs sendanda.

16. gr.

Gildistaka.

Reglugerð þessi sem sett er samkvæmt 1. mgr. 60. gr. og 5. mgr. 73. gr. umferðarlaga, nr. 50 30. mars 1987, og með hliðsjón af tölul. 17 d og e í XIII. viðauka við EES samninginn (tilskipun nr. 94/55/EB, sbr. tilskipun nr. 96/86/EB, og tilskipun nr. 95/50/EB) og að höfðu samráði við félagsmálaráðuneytið hvað varðar þátt Vinnueftirlits ríkisins og umhverfisráðuneytið hvað varðar þátt Hollustuverndar ríkisins og heilbrigðisnefnda sveitarfélaga, öðlast þegar gildi.

EES gerðir sem vísað er til eru birtar í EES viðbæti við Stjórnartíðindi EB, 23. og 32. hefti 1996 og 29. hefti 1997.

Ákvæði til bráðabirgða.

Ákvæði ADR-reglna um búnað ökutækja sem flytja hættulegan farm og skráð hafa verið fyrir gildistöku reglugerðarinnar koma ekki til framkvæmda fyrr en 1. mars 1999.


Dóms- og kirkjumálaráðuneytinu, 16. janúar 1998.

Þorsteinn Pálsson.

Ólafur W. Stefánsson.

VÍÐAUKI I
Varúðarmerki.

Nr. 1



Sprengihætta

Nr. 1.4



Sprengihætta

Nr. 1.5



Sprengihætta

Nr. 1.6



Sprengihætta

Nr. 01



Sprengihætta

Nr. 2



Óeldfim,
ekki eitruð lofttegund

Nr. 2



Óeldfim,
ekki eitruð lofttegund

Nr. 3



Eldhætta
(eldfimir vökvi)

Nr. 3



Eldhætta
(eldfimir vökvi)

Nr. 4.1



Óeldfim,
(eldfimt fast efni)

Nr. 4.2



Hætta á sjálfsvikun

Nr. 4.3



Hætta á myndun eldfimra
lofttegunda við snertingu
við vatn

Nr. 4.3



Hætta á myndun eldfimra
lofttegunda við snertingu
við vatn

Nr. 5.1



Eldnærandi efni

Nr. 5.2



Lífrænt peroxíð, eldhætta

Nr. 05



Eldnærandi

Nr. 6.1



Eitrað efni, geymist og flytjist aðskilið frá neytendavöru og fóðurvöru

Nr. 6.2



Smitandi efni, geymist og flytjist aðskilið frá neytendavöru og fóðurvöru

Nr. 7A



Geislavirk efni í umbúðum í þökkunarflokki I - HVÍTAR, við skemmdir á umbúðum er hættu á heilsutjóni við neyslu, innöndun eða snertingu við efnið sem lekið hefur út

Nr. 7B



Geislavirk efni í umbúðum í þökkunarflokki II - GULAR, haldist aðskilið frá umbúðum merktum „FOTO“ (Póstur), við skemmdir á umbúðum er hættu á heilsutjóni við neyslu, innöndun eða snertingu við efnið sem lekið hefur út, einnig hættu á geislun í næsta nágrenni

Nr. 7C




Geislavirk efni í umbúðum í þökkunarflokki III - GULAR haldist aðskilið frá umbúðum merktum „FOTO“ (Póstur), við skemmdir á umbúðum er hættu á heilsutjóni við neyslu, innöndun eða snertingu við efnið sem lekið hefur út, einnig hættu á geislun í næsta nágrenni

Nr. 7D



Geislavirk efni með sömu áhættu og efni merkt með 7A, 7B og 7C

Nr. 8




Ætandi efni

Nr. 9



Önnur hættuleg efni

Nr. 11



Þessi hlið upp, örvarnar vísi upp



Upphitað efni

VIÐAUKI II

Hættuskilti.



Hættuskilti 40sm x 30sm.

Efri talan sýnir ADR-hættunúmer og neðri talan táknar Sameinuðu þjóða-númerið fyrir farminn sem fluttur er.

Sem dæmi um Sameinuðu þjóða númer (SP-númer, neðri talan) má nefna að 1088 er númer fyrir asetol, 1203 númer fyrir bensín, 1202 fyrir díselolíu, 1951 fyrir djúpkælt argon og 2187 fyrir djúpkælt koldíoxíð. Varðandi efri töluna (hættunúmer), sjá viðauka III.

VIÐAUKI III

Hættunúmer og merking þeirra.

Eftirfarandi gildir um tölustafi í hættunúmeri:

- 0 Án merkingar
- 1 Ekki notað
- 2 Gas getur myndast
- 3 Eldhætta
- 4 Eldfimt fast efni
- 5 Hætta á oxun (eldnæring)
- 6 Hætta á eitrun
- 7 Hætta á geislavirkni
- 8 Hætta á ætingu
- 9 Hætta á skyndilegu öflugu efnahvarfi.

Ef sama talan er tvítekin þýðir það aukningu á hættunni, t.d. þýðir 30 eldfimur vökvi (t.d. díselolía), en 33 þýðir mjög eldfimur vökvi (t.d. bensín). Ef bókstafurinn X er fyrir framan tölurnar þýðir það að ekki má nota vatn við slökkvistarf.

Eftirfarandi samsetningar hættunúmera eru notaðar:

- 20 Óvirk lofttegund
- 22 Djúpkæld lofttegund
- 223 Djúpkæld, eldfim lofttegund
- 225 Djúpkæld, eldnærandi lofttegund
- 23 Eldfim lofttegund
- 236 Eldfim, eitruð lofttegund
- 239 Eldfim lofttegund sem getur hvarfast af sjálfu sér og af ofsa
- 25 Eldnærandi lofttegund
- 26 Eitruð lofttegund
- 265 Eitruð, eldnærandi lofttegund
- 266 Mjög eitruð lofttegund
- 268 Eitruð, ætandi lofttegund
- 286 Ætandi, eitruð lofttegund
- 30 Eldfimur vökvi (blossamark 23°C - 100°C) eða vökvi sem hitnar af sjálfu sér
- 323 Eldfimur vökvi sem hvarfast við vatn og myndar eldfima lofttegund
- X323 Eldfimur vökvi sem hvarfast við vatn og myndar eldfima lofttegund^{*)}
- 33 Mjög eldfimur vökvi (blossamark undir 23°C)

- 333 Vökvi sem kviknar í af sjálfu sér
X333 Vökvi sem kviknar í af sjálfu sér og sem hvarfast við vatn *)
336 Mjög eldfimur, eitraður vökvi
338 Mjög eldfimur, ætandi vökvi
X338 Mjög eldfimur, ætandi vökvi sem hvarfast við vatn *)
339 Mjög eldfimur vökvi, sjálfsviknandi
36 Vökvi sem hitnar af sjálfu sér, eitraður
362 Eldfimur, eitraður vökvi sem myndar eldfima lofttegund með vatni
X362 Eldfimur, eitraður vökvi sem hvarfast hættulega við vatn og myndar eldfima lofttegund *)
38 Vökvi sem hitnar af sjálfu sér, ætandi
382 Eldfimur, ætandi vökvi sem myndar eldfima lofttegund með vatni
X382 Eldfimur, ætandi vökvi sem hvarfast hættulega við vatn og myndar eldfima lofttegund *)
39 Eldfimur vökvi, hætta á sjálfvöktu og öflugu efnahvarfi
40 Eldfimt fast efni eða efni sem getur hitnað af sjálfu sér
423 Fast efni sem myndar eldfima lofttegund með vatni
X423 Fast eldfimt efni, hvarfast við vatn og gefur frá sér eldfima lofttegund
44 Eldfimt fast efni, sem er hitað upp fyrir bræðslumark
446 Eldfimt fast efni, eitrað, sem er hitað upp fyrir bræðslumark
46 Eldfimt fast efni eða efni sem hitnar af sjálfu sér, eitrað
462 Eitrað fast efni sem myndar eldfima lofttegund með vatni
48 Eldfimt fast efni eða efni sem hitnar af sjálfu sér, ætandi
482 Ætandi fast efni sem myndar eldfima lofttegund með vatni
50 Eldnærandi efni
539 Eldfimt lífrænt peroxíð
558 Sterkt eldnærandi efni, ætandi
559 Sterkt eldnærandi efni, hætta á sjálfvöktu og öflugu efnahvarfi
556 Sterkt eldnærandi efni, eitrað
56 Eldnærandi efni, eitrað
568 Eldnærandi efni, eitrað, ætandi
58 Eldnærandi efni, ætandi
59 Eldnærandi efni sem getur hvarfast öflugt sjálfvakið (spontan)
589 Eldnærandi efni, hætta á sjálfvöktu, öflugu efnahvarfi
60 Eitrað eða heilsuspillandi efni
63 Eitrað eða heilsuspillandi efni, eldfimt (blossamark 23°C-55°C)
638 Eitrað eða heilsuspillandi efni, eldfimt (blossamark 23°C-100°C), ætandi
639 Eitrað eða heilsuspillandi efni, eldfimt (blossamark 23°C-100°C), hætta á sjálfvöktu, öflugu efnahvarfi
66 Mjög eitrað efni
663 Mjög eitrað efni, eldfimt (blossamark hámark 55°C)
68 Eitrað eða heilsuspillandi efni, ætandi
69 Eitrað eða heilsuspillandi, hætta á sjálfvöktu, öflugu efnahvarfi
70 Geislavirkt efni
72 Geislavirk lofttegund
723 Geislavirk lofttegund, eldfimur
73 Geislavirkur vökvi, eldfimur (blossamark hámark 55°C)
74 Geislavirkt efni, fast, eldfimt
75 Geislavirkt efni, eldnærandi
76 Geislavirkt efni, eitrað
78 Geislavirkt efni, ætandi
80 Ætandi eða veikt ætandi efni
X80 Ætandi eða veikt ætandi efni sem hvarfast hættulega við vatn *)
83 Ætandi eða veikt ætandi efni, eldfimt (blossamark 23°C-55°C)
X83 Ætandi eða veikt ætandi efni, eldfimt (blossamark 23°C-55°C) sem hvarfast hættulega við vatn *)
839 Ætandi eða veikt ætandi efni, eldfimt (blossamark 23°C-55°C), hætta á sjálfvöktu, öflugu efnahvarfi *)
85 Ætandi eða veikt ætandi efni, eldnærandi
856 Ætandi eða veikt ætandi efni, eldnærandi og eitrað

86	Ætandi eða veikt ætandi efni, eitrað
88	Mjög ætandi efni
X88	Mjög ætandi efni sem hvarfast hættulega við vatn *)
883	Mjög ætandi efni, eldfimt (blossamark 23°C - 55°C)
885	Mjög ætandi efni, eldnærandi
886	Mjög ætandi efni, eitrað
X886	Mjög ætandi efni, eitrað, hvarfast hættulega við vatn *)
89	Ætandi eða veikt ætandi efni, hætta á sjálfvöktu, öflugu efnahvarfi
90	Ýmis hættuleg efni

*) Aðeins má nota vatn með samþykki viðkomandi yfirvalda
(Varðandi merkingar einstakra efna sjá töflu I og II spássíunúmer 250 000 í ADR-reglum).

VIÐAUKI IV

Aðskilnaðarflokkar sprengiefna segja til um hvaða efni megi geyma eða flytja saman án þess að hætta sé á að slysum og óhöppum fjölgi.

	A	B	C	D	E	F	G	H	J	L	N	S
A	☞	-	-	-	-	-	-	-	-	-	-	-
B	-	☞	-	1)	-	-	-	-	-	-	-	☞
C	-	-	☞	☞	☞	-	☞	-	-	-	2), 3)	☞
D	-	1)	☞	☞	☞	-	☞	-	-	-	2), 3)	☞
E	-	-	☞	☞	☞	-	☞	-	-	-	2), 3)	☞
F	-	-	-	-	-	☞	-	-	-	-	-	☞
G	-	-	☞	☞	☞	-	☞	-	-	-	-	☞
H	-	-	-	-	-	-	-	☞	-	-	-	☞
J	-	-	-	-	-	-	-	-	☞	-	-	☞
L	-	-	-	-	-	-	-	-	-	4)	-	-
N	-	-	2), 3)	2), 3)	2), 3)	-	-	-	-	-	2)	☞
S	-	☞	☞	☞	☞	☞	☞	☞	☞	-	☞	☞

☞ Má flytja og geyma saman.

1. Pakka með hlutum úr aðskilnaðarflokki B og efni eða hluti úr aðskilnaðarflokki D má flytja í sama ökutæki ef varningurinn er í aðskildum hólfum eða hlutum ökutækisins og ökutækið hefur verið viðurkennt af lögbærum yfirvöldum eða aðilum sem þau viðurkenna þannig að ekki sé hætta á að sprenging í hlutum í aðskilnaðarflokki B geti flust yfir í efni eða hluti í aðskilnaðarflokki D.
2. Efni í flokki 1.6, aðskilnaðarflokki N, má einungis flytja með efnunum í sama flokki og aðskilnaðarflokki ef fyrir liggur staðfesting á því að það skapi ekki hættu á sprengingu. Ef ekki skal meðhöndla efnið eins og það væri í flokki 1.1.
3. Ef flytja á efni í aðskilnaðarflokki N með efnunum í aðskilnaðarflokkum C, D eða E skal meðhöndla það samkvæmt eiginleikum efna í aðskilnaðarflokki D.
4. Efni í aðskilnaðarflokki L má eingöngu flytja með efnunum í sama aðskilnaðarflokki og af sömu tegund.

VIÐAUKI V
Hámarks magn (kg nettóþyngd) sem flytja má af sprengifimu
efni (flokkur 1) á einni flutningseiningu.

Flokkur Undirflokkur Ökutæki	1.1		1.2	1.3	1.4		1.5 og 1.6	
	01°	1°-12°	13°-25°	26°-34°	35°-45°	46°,47°	48°,49°,50°	51°
I	1,25	50	50	50	300	Ótakm.	50	Ótakm.
II	6,25	1 000	3 000	5 000	15 000	Ótakm.	5 000	Ótakm.
III	18,75	15 000	15 000	15 000	15 000	Ótakm.	15 000	Ótakm.

VIÐAUKI VI
Ferming og afferming á opnum svæðum.

Til að ferma eða afferma (umferma) ökutæki með hættulegan varning á almennu svæði í þéttbýli þarf sérstakt leyfi lögreglu.

Ef til slíks kemur utan þéttbýlis skal láta lögreglu vita áður en ferming eða afferming (umferming) hefst.

Aðskilja skal varning með hliðsjón af varúðarmerkjum á umbúðum.

<i>Flokkur</i>	<i>Heiti</i>	<i>Efni (efnisnúmer, bókstafur)</i>
1	Sprengifim efni og hlutir	Öll efni. Ef ökutæki sem flytur efni eða hluti í flokki 1 þarf að nema staðar vegna fermingar eða affermingar á almennu svæði verður fjarlægðin að næsta ökutæki með sprengifiman farm að vera a.m.k 50 m.
6.1	Eiturefni	Efni númer 1 – 5. Auk þess öll efni í undirflokki (a).
9	Önnur hættuleg efni	Efni í undirflokki (b) að undanteknum eignum nr. 35.

VIÐAUKI VII
Vöktun við lagningu ökutækis.

Ákvæði um vöktun ökutækja gilda um flutning efna sem talin eru upp í meðfylgjandi töflu þegar þau eru flutt í meira magni en þar kemur fram. Þó má leggja ökutæki án vöktunar í vörugymslu eða á verksmiðjulóð þar sem fyllsta öryggis er gætt.

Séu slíkir staðir ekki fyrir hendi skal fylgja eftirfarandi í þeirri röð sem talið er:

- a. Vaktað staði þar sem vörðurinn þekkir til farmsins og veit hvar hægt er að ná í ökumanninn.
- b. Staði þar sem ekki er hætt á að ökutækið skaðist af öðrum ökutækjum.
- c. Heppilegt opið svæði þar sem engin umferð er yfirleitt eða almenningur á ekki erindi á.

Flokkur 1 <i>Sprengifim efni</i>	<i>Nettóþyngd</i>
Allur sprengifimur farmur Tómar umbúðir með efnisnúmer 91 eru undanþegnar	50 kg Sprengifiman farm óháð magni skal alltaf vakta þannig að koma megi í veg fyrir skemmdarverk og þannig að hægt sé að láta ökumann og lögbær yfirvöld vita um skemmdir eða óhöpp
Flokkur 2 <i>Loftegundir</i>	<i>Brúttóþyngd</i>
Efni með efnisnúmer 1, fyrir utan 1A, 1O og 1F Efni með efnisnúmer 2, fyrir utan 2A, 2O og 2F Efni með efnisnúmer 3F Efni með efnisnúmer 2F, 3A og 3O	1 000 kg 1 000 kg 1 000 kg 10 000 kg
Flokkur 3 <i>Eldfimur vökvar</i>	<i>Brúttóþyngd</i>
Efni með efnisnúmer 1-5(a) og (b), 7(b) og 21-26 og efni með efnisnúmer 41 sem eru lítið eitruð Efni með efnisnúmer 6, 11-19, 27, 28 og eitruð eða mjög eitruð efni með efnisnúmer 41	10 000 kg 5 000 kg
Flokkur 4.1 <i>Eldfim föst efni</i>	<i>Brúttóþyngd</i>
Efni með efnisnúmer 21-25 Efni með efnisnúmer 26 Efni með efnisnúmer 31, 32, 43 og 44 Efni með efnisnúmer 33, 34, 45 og 46 Efni með efnisnúmer 35, 36, 47 og 48 Efni með efnisnúmer 41 og 42 Þessi efni í meira magni en 500 kg skulu alltaf vera undir vöktun.	1 000 kg 100 kg 1 000 kg 2 000 kg 5 000 kg 500 kg
Flokkur 4.2 <i>Efni með hættu á sjálfteyningu</i>	<i>Brúttóþyngd</i>
Efni í undirflokki (a) óháð efnisnúmeri Efni með efnisnúmer 22	10 000 kg 10 000 kg
Flokkur 4.3 <i>Efni sem mynda eldfimar lofttegundir við snertingu við vatn</i>	<i>Brúttóþyngd</i>
Efni í undirflokki (a) óháð efnisnúmeri	10 000 kg

Flokkur 5.1 <i>Eldnærandi efni</i>	<i>Brúttópyngd</i>
Efni í undirflokki (a) og efnisnúmeri 5	10 000 kg
Flokkur 5.2 <i>Lífræn peroxíð</i>	<i>Brúttópyngd</i>
Efni með efnisnúmer 1, 2, 13 og 14	1 000 kg
Efni með efnisnúmer 3, 4, 15 og 16	2 000 kg
Efni með efnisnúmer 5, 6, 17 og 18	5 000 kg
Efni með efnisnúmer 11 og 12	500 kg
Flokkur 6.1 <i>Eiturefni</i>	<i>Brúttópyngd</i>
Efni með efnisnúmer 1-5 og í undirflokki (a) með hvaða efnisnúmer sem er	1 000 kg
Efni í undirflokki (b)	5 000 kg
Flokkur 6.2 <i>Smítefni</i>	<i>Brúttópyngd</i>
Efni með efnisnúmer 1	Alltaf, óháð magni
Efni með efnisnúmer 2	Alltaf yfir 100 kg
Flokkur 7 <i>Geislavirk efni</i>	<i>Brúttópyngd</i>
a. Ökutæki sem flytur geislavirk efni skal alltaf vera undir eftirliti (vöktun). Vöktunin skal vera innan lokaðs svæðis (girt af) og vaktmaður skal þekkja til farmsins.	
b. Það er ekki nauðsynlegt að fara eftir ofangreindum ákvæðum ef	
1. farmrýmið er læst og farmurinn varinn gegn losun án heimildar,	
2. geislunin fer hvergi yfir 5 $\mu\text{Sv/klst}$ á úthlið ökutækisins.	
Flokkur 8 <i>Ætandi efni</i>	<i>Brúttópyngd</i>
Efni í undirflokki (a) óháð efnisnúmeri	10 000 kg
Bróm með efnisnúmer 14	1 000 kg
Flokkur 9 <i>Önnur hættuleg efni</i>	<i>Brúttópyngd</i>
Efni með efnisnúmer 13(b)	1 000 kg
Önnur efni í undirflokki (b)	5 000 kg

VIÐAUKI VIII

Stutt viðdvöl vegna „eftirlits/þjónustu“ við ökutækið.

Eftir því sem við verður komið skal ekki vinna við ökutæki nálægt íbúðarhúsnæði eða á svæði sem almenningur á erindi um. Viðdvöl á slíkum stöðum má ekki vara lengi nema lögregluþjónustuför hafi gefið samþykki sitt fyrir því. Þetta gildir um flutninga á eftirfarandi efnum:

Flokkur	Heiti	Efni/efnisnúmer
1	Sprengifim efni	Öll efni.
4.1	Eldfim föst efni	Efni nr. 31, 32, 41, 42. Efni nr. 33, 34, 43 og 44 í magni yfir 2 000 kg.
5.2	Lífræn peroxíð	Efni nr. 1, 2, 11, 12. Efni nr. 3, 4, 13 og 14 í magni yfir 2 000 kg.
6.1	Eiturefni	Öll efni.
6.2	Smitefni	Efni nr. 1 og 2.

VIÐAUKI IX

Takmarkað magn af hættulegum varningi í pökkuðum einingum sem má flytja á einni flutningseiningu án þess að fylgja tilteknum ákvæðum í hluta B í ADR-reglunum.

Flokkur	EFNI Margfeldistuðlar til að reikna takmarkað magn til flutnings → (sjá aths. (1) hér á eftir)	Mesta magn á hverja flutningseiningu (brúttóþyngd)							
		A <u>200</u> 5 kg	B <u>50</u> 20 kg	C <u>20</u> 50 kg	D <u>10</u> 100 kg	E <u>3</u> 333 kg	F <u>2</u> 500 kg	G <u>1</u> 1000 kg	ótak- mark- að
	Tómar umbúðir, (hylki meðtaln en ekki tankar) fyrir efni í flokki 1, 2 [aðeins gas flokkað undir A, O og F] 3, 4.1, 4.2, 4.3, 5.1, 5.2, 6.1, 6.2 (gildir aðeins um efni með efnisnúmer 2 og efni flokkað undir (b)), 8 og 9								X
1	1°, 3°, 4° (UN-númer 0081, 0082 og 0241) 5° - 7°, 9°, 10°, 12°, 13°, 15°, 17° - 19°, 21° - 23°, 25°, 27°, 30° - 32°, 34°, 48° (UN. nr. Nos 0331 og 0332)			X					
	2°, 4° (UN-númer önnur en 0081, 0082 og 0241), 8°, 11°, 24°	X							
	26°, 29°, 33°		X						
	35° til 43°						X		
	46°, 47°								X
	48° (UN nr. 0482)		X						

Flokkur	EFNI Margfeldistuðlar til að reikna takmarkað magn til flutnings → (sjá aths. (1) hér á undan)	Mesta magn á hverja flutningseiningu (brúttóþyngd)							
		A	B	C	D	E	F	G	ótak- mark- að
		200 5 kg	50 20 kg	20 50 kg	10 100 kg	3 333 kg	2 500 kg	1 1000 kg	
2	1°, 2°, 4°, 5°, 6° og 7° í A og O							X	
	3° í A og O					X			
	1° F							X	
	2°, 3°, 4°, 5°, 6° og 7° í F					X			
	Fosgen 2 TC, Flúor 1° TOC			X					
	Sýanklórið 2 TC	X							
	Aðrar lofttegundir og hlutir undir 1°, 2°, 4°, 5°, 6° og 7° í T, TC, TO, TF, TOC, TFC					X			
Tómar umbúðir undir 8 í T, TC, TO, TOC, TFC, eða önnur tóm ílát sem hafa innihaldið lofttegundir í T, TC, TO, TF, TOC eða TFC					X				
3	6°, 12°, 13° og efni undir (a) úr 11°, 14° til 28° og 41° til 47°, 57°	X							
	Efni undir (b) úr 11° og 14° til 28° og 41° til 57°				X				
	1° (a), 2° (a) og 3° (b), 4° (a) og (b), 5° (a), og 7° (b)					X			
	31° (c) og 34° (c)							X	
	Önnur efni						X		
4.1	1° (b) og 2° (c)								X
	6° (c) og 11° (c)					X			
	21° til 26°	X 1)							
	35°, 36°, 45°, 46°		X 1)						
	37° til 40° og 47° til 50°			X 1)					
Önnur efni			X						
4.2	1° (c)								X
	Efni flokkuð undir (b)					X			
	Efni flokkuð undir (c)							X	
4.3	11° (a), 13° (a), 14° (a), og 16° (a) til 18° (a)	X							
	11° (b) til 17° (b)					X			
	11° (c) til 15° (c)							X	
5.1	Efni flokkuð undir (a)			X					
	Efni flokkuð undir (b)				X				
	Efni flokkuð undir (c)						X		
	5°		X						
5.2	5°, 6°, 15°, 16°		X 1)						
	7° til 10°, 17° til 20°			X 1)					
6.1	Efni flokkuð undir (b)			X					
	Efni flokkuð undir (c)				X				
	Önnur efni (nema 1° og 2°)	X							
6.2	2°		X						
	Efni flokkuð undir (b)				X				
7	Efni í grein 2704 ADR, undirflokkar 1° til 4°								X
8	6°, 14° og efni flokkuð undir (a)		X						
	Efni flokkuð undir (b)				X				
	Efni flokkuð undir (c)						X		

Flokkur	EFNI Margfeldistuðlar til að reikna takmarkað magn til flutnings → (sjá aths. (1) hér á undan)	Mesta magn á hverja flutningseiningu (brúttóþyngd)							ótak- mark- að
		A	B	C	D	E	F	G	
		<u>200</u> 5 kg	<u>50</u> 20 kg	<u>20</u> 50 kg	<u>10</u> 100 kg	<u>3</u> 333 kg	<u>2</u> 500 kg	<u>1</u> 1000 kg	
9	Efni eða hlutir flokkaðir undir 1° (b), 4° (c) eða 5°			X					
	Efni eða hlutir flokkaðir undir 1° (c), 6°, 7° eða 13° (b)				X				
	11° (c) og 12° (c)							X	
(1) Undanskilinn kælivökvi flutningatækja.									

REGLUGERÐ

um breytingu á reglum um smíði og búnað íslenskra skipa nr. 553/1975, með síðari breytingum.

1. gr.

Grein 101 orðist svo:

101. Reglur þessar gilda um ný íslensk fiskiskip, 15 metra að lengd og lengri. Reglurnar gilda einnig um gömul íslensk fiskiskip, 15 metra að lengd og lengri, sem gangast undir þær breytingar eða endurbyggingar, sem munu hafa áhrif á stöðugleika þeirra. Breytingar á skipum, sem smíðuð voru fyrir 5. desember 1975, eru óheimilar, nema stöðugleiki þeirra eftir breytingu aukist frá því sem hann var fyrir breytingu. Stöðugleiki þarf þó ekki að vera meiri en skv. 5. gr. reglnanna. Ef breytingin telst meiriháttar, svo sem ef gerð er breyting á bol skips, sem áhrif hefur á hydrostatískar boglínur eða jafnhalla-boglinur, er breytingin óheimil, nema stöðugleiki eftir breytinguna uppfylli stöðugleikamörk skv. 5. gr. reglnanna.

2. gr.

Grein 102 orðist svo:

102. Siglingastofnun Íslands er heimilt að krefjast hallaprófunar og stöðugleikagagna fyrir skip, sem smíðuð voru fyrir 5. desember 1975.

3. gr.

Grein 104 orðist svo:

104. Siglingastofnun Íslands er heimilt að veita tímabundna undanþágu frá stöðugleikamörkum í 5. gr. reglnanna, ef stöðugleiki skipsins er á annan hátt nægjanlegur eða verksvið skipsins á einhvern hátt takmarkað. Undanþágan skal vera skrifleg og rökstudd. Siglingastofnun Íslands er heimilt að takmarka farsvið og skilyrða notkun skipa sem fá undanþágu skv. þessari grein.